

育德堂外制

直齋書錄解題 育德堂外制集八卷內制集三卷
兵部尚書永嘉蔡幼學行之撰成童穎異返同郡
陳傅良君舉學治春秋年十七試補上庠首選陳
反出其下陳改用賦冠監舉而幼學者僅魁又明年
省闈先多士而傅良亦為賦魁一時師弟雄視場屋
莫不羨^敬 温州經籍志載外制集八卷內制集三

卷案卷文懿內外制久已失傳 宋宰輔編年錄載
嘉定元年趙汝愚追復觀文殿大學士及嘉定二年史
彌遠起復擢右丞相兼樞密使兩制並從外制集

採入也余竊本齊德堂外制集五卷目錄一卷與書錄
解題注不同目錄亦有裂補痕迹不知何時得此殘帙割
書五卷以下之目錄此書以及其他刻今影初原式行板
及各家藏印鐫存舊槧形式以為流傳古人之
氣節焉

唐年元宵日景德識於一平精舍

楊原本作

育德堂外制目錄

卷第一

宇文紹節 侍讀京湖宣撫

畢再遇兼知揚州

吳玠落寶謨閣直學士

譚良顯降朝散郎

董安仁父贈官

辛棄疾叙朝請大夫

王鉞知金州

許及之復銀青光祿大夫

王大節叙武節郎

希怱換右千牛衛將軍

陳邕降朝奉郎

黃瓌周章降官

程松澧州安置

趙師異降太中大夫

董仲永贈節度使

顯忠襄忠廟封公

廣德廣惠廟加封

襄陽惠澤等廟加封

百歲補官封號

史才復龍圖閣學士

丘密落端明殿學士

薛叔似落端明殿學士

陳謙落寶謨閣待制

楊文昌授團練使

劉元鼎兼知光州

李源封通應真人

吳惣責團練副使

常崇贈武翼大夫

沔州信惠廟加封

方信儒授奉議郎

李郁授團練使

楊谷授文州刺史

范仲壬知夔州

吳琯節度使致仕

多慶贈開府

妻蔡氏封郡夫人

程煥降廸功郎

善與授右千牛衛將軍

薛九齡授武德郎

吳摠復官致仕

不璽贈開府

吳思忠贈節度使

趙淳江淮制置使

葉滌閣門舍人

辛棄疾叙朝議大夫

吳琯贈太尉

項安世落直龍圖閣

叅炳龍叔漢林之望熊武閣門舍人

不慮西外知宗

任埴金州副都統

李好義贈節度使

陸峻授太中大夫

陳邕降朝奉郎

王柟授朝奉郎

李郁建康都統知廬州

田琳觀察使致仕

陳邦傑叙武節大夫

葉甄叙朝散郎

趙善宣叙朝請大夫

朱不棄降迪功郎

劉百朋授武德郎

許俊父贈官

母王氏封太孺人

董安禮知光州

郭揚夏允言授遙刺

韓仙胄毛居禮裴伸授官

卷第二

王居安兼侍講

夏震觀察使

項安世降奉議郎

趙善恭司農卿

趙夢極權吏部侍郎

梁季琬試吏部侍郎

戴溪國子祭酒

雷孝友御史中丞

葉時試右諫議大夫

趙彥逾侍讀

王居安起居郎
崇政殿說書

邵康太常少卿

錢仲彩軍器監

俞亨宗提點坑冶

樓鑰翰林學士

林大中吏部尚書

趙善堅權戶部尚書

陳希點軍器監

陳希點檢正曾從龍左司

陳舜申林至正字

劉彌正淮東提舉

李師尹知閤門事

李珣知紹興府

張震考功郎中

黃景說再任張斗南廣西運判

楊大雅封承奉郎

丘密江淮制置大使

游仲鴻夔路提刑范子長潼川提刑

楊震仲直閤致仕

吳獵四川制置使

畢再遇授觀察使

曾漸權工部侍郎

許奕起居郎

陳希點起居舍人

孫昭先浙東提刑李洪江西提刑

呂祖儉贈直秘閣

沈說試刑部侍郎

趙夢極給事中

曹莊太常丞邵朴國子監丞

趙彥櫛戶部郎中

潘涓太學博士

范之柔國子監簿

許沆太常博士

余崇龜檢詳

梁文恭軍器監簿

薛極大理正

林淳厚授朝散郎

葉適授朝議大夫

常楮宗正丞

彭州威祐廟加封

武舜忠授遙團

莫子純叙中大夫

馮拱贈武經大夫

藍師古授左武大夫

鄭擢降奉議郎

扈卞追復奉議郎

潘師禹授承宣使

譚良顯叙朝奉大夫

王處久降武翼郎

自重授率府副率

朱士挺降奉議郎

曾噩降修職郎

陳唐卿授武翼郎

卷第三

衛涇叅知政事

雷孝友叅知政事

史彌遠同知樞密院

林大中僉書樞密院

樓鑰試吏部尚書兼翰林學士

倪思權兵部尚書

章良能試禮部侍郎

史彌堅權兵部侍郎

衛涇封贈三代及妻

黃疇若殿中侍御史

余崇龜監察御史

宇文紹節授太中大夫

何異授中大夫

楊石觀察使知閣

楊谷觀察使

趙善宣知臨安府

張崇贈遙郡團練使

婁機守吏部侍郎

趙希澤江西提刑

鄒應龍中書舍人兼

太子右諭德

范仲壬知江陵府

劉甲授寶謨閣直學士

馮從順授四字夫人

楊從慧授二字夫人

衛從正授國夫人

何寅寅授郡夫人名從謹

陳咸授朝請大夫

辛棄疾待制致仕

趙希譔江西運判

余崇龜授朝請大夫

劉槃授朝奉大夫

趙師昇知鎮江府

李洪淮西總領

衛涇封贈三代及妻

譙令憲宗正少卿

宇文紹彭大理少卿

王蓮贈通奉大夫

曾杲降朝請郎

李謙授武畧大夫

范仲壬授武德郎

陳煥授武節郎

盧濤父母初封

陳湊授保義郎

顧根降宣義郎

孟猷降朝散郎

李春等授官

陳澤等轉官

翬斌授修武郎

卷第四

趙汝愚復觀文殿大學士

程驤贈通議大夫

王栴太府寺丞

薛極刑部員外郎

沈紡大理正鮑華大理丞

李孟傳福建提刑

程準知寧國府

李好義贈檢校少保

干震贈承務郎

曾炎知婺州

鄒應龍母封太恭人

周虎授文州刺史

史彌遠母封國太夫人

雷孝友封贈三代及妻

黃度太常少卿

汪達秘書少監

徐邦憲吏部員外郎

劉允濟太常簿管湛大理簿

李孟傳江東提刑程準福建提刑

立太子文武臣封父母

趙彥逾授觀文殿學士

林仲虎知安慶府

王容父加封

王益之國博留元剛太博

鄭昉國子錄

史彌堅知潭州

沈誨授太中大夫

曾漸授中奉大夫

吳玠授朝請大夫

孟導知嚴州

呂昭遠知常德府

劉焞復集英殿修撰

眉州褒忠廟加封

丘壽雋籍田令

徐邦憲司封員外郎

李揆吏部郎中

陳剛大理司直

張興祖武學諭

求揚祖司農寺簿

陳自強韶州安置

徐邦憲叙承議郎

曹叔遠鄭昉太學博士

林瑒國子正李琪國子錄

傳伯成太府卿

趙師異復通奉大夫

林拱辰浙西提舉

岳建等贈官

趙彥珣降朝奉大夫

常楮宗正丞

陳革授左武大夫

朱欽則降朝散大夫

趙彥衛湯巖起降官

耿良祐降從事郎

翟楫授保義郎

楊沆授修武郎

田祖周授武德郎

卷第五

趙彥逾授太中大夫

樓鑰授正議大夫

宇文紹節授通議大夫

倪思授太中大夫

章良能授朝散大夫

葉時授朝散大夫

黃疇若授朝散郎

許奕授奉議郎

陳希點授中奉大夫

王柟授朝請大夫

張大猷湖南提舉

陳耆壽戶部員外郎

劉穎龍圖閣待制

曹莊秘書丞

陳武太府寺簿

楊次山追贈三代及妻

任希夷知湖州

黎行之授宣教郎

曾喚刑部侍郎

李孝純開府致仕

劉崇之叙朝議大夫

葉翥贈少保

丁煜大理正留晉評事

皇子埶追封肅王

柯甲大理寺丞

黃中著作佐郎

劉元鼎授武節郎

葉簣江東提刑

吳漢英太常丞邵袞大宗正丞

程卓軍器監簿

伯耜贈開府

黃景說知靜江府

楊濟潼川運判郭公燮提刑

張訢廣東運判廖德明提刑

朱皆工部郎中

毛密將作監丞

張孝仲軍器監丞

王庭芝降奉議郎

袁桂授朝奉大夫

江端中知宜州

趙孟極守給事中致仕

陳舜申校書郎

真德秀留元剛正字

史次秦政奉議郎

張宗濤循文林郎

馮端方等轉官

韓休等轉官

張宗允等轉官

周奕等轉官

劉紹祖授修職郎

趙善防直閣致仕

任公壽雍遜轉官

卜涇葉葵授修職郎

育德堂外制目錄卷終

育德堂外制卷第一

宇文紹節 侍讀京湖宣撫

朕惟周宣中興之盛有若吉甫召虎之賢皆以
近臣出總師旅厥有偉績播于聲詩君臣同休
照映千載肆時法從往淮行臺昭示眷懷誕申
渙渥具官某家傳忠孝志在事功思信孚于江
淮聲望聞于蠻貊朕方登之常伯資以遠猷載
瞻襄漢之間莫重宣威之寄俾陪經幄以寵其
行全付上流盡護諸將朕之所以望鄉者盖吉

甫召虎之事也卿其熟慮安危審知緩急顧念
邦本推勞來安集之仁申飭邊防修車馬器械
之政以壯士氣以寢敵謀庶幾邊鄙肅清王國
底定來歸燕喜之祉稽首對揚之休朕將與卿
同之顧不韙歟尚旣乃心以副倚屬

畢再遇兼知楊州

朕若稽 列聖經理二邊簡求將帥之臣兼領
侯藩之寄專其事任責以立功今得其人可在
茲選具官某朴忠許國勇略濟時比提師于獨

當一面士卒樂為致死敵人憚其威名屹然長
城寬我北顧朕既疇爾勲伐付以閭外之事矣
廣陵謀帥就以畀之俾爾統率列城號令諸將
激昂士氣以恢遠圖蓋中興韓張之功方以
望爾爾其懋哉嗣有殊渥

吳掇落寶謨閣直學士

晉存趙衰之後傳者以為美談漢族霍光之家
君子蓋有餘憾眷時吳氏功在西陲雖逆曦猖
狂自取夷滅而奕世勲伐未可弭忘質之僉言

宥其近屬具官某比由法從往淮卽藩屬大慙
之就誅歷忱誠而引咎朕以其分雖叔姪意本
異同曦方通外境之謀陸梁隴蜀爾實佐元戎
之任保扞江淮心素諒其無他罪固難於相及
然而命義之重爾宜遵安法令之常朕不敢廢
奪班聯於內閣徒名數於重湖爾其體國家之
寬仁務全晚節教子孫以忠孝益勵後圖朕言
惟公汝聽毋忽

譚良顯降朝散郎

朕嘉與俊茂共濟事功凡士之有猷有為者未嘗不覆護而保全之也爾論議慷慨志在驅馳簡自周行俾佐外間而細行不謹見于臺評國有憲章朕不敢廢勉圖來效以稱隆寬

董安仁父贈官

使相之崇國家所重乃眷爪牙之士式殫扞禦之勞追念其先瀝誠有請肆茲從欲亦以示公具官某故父具官某天稟英豪家傳忠勇久在戎伍屢書戰多施及後昆力能却敵而不自受

賞期於貶恩朕惟孝子顯親之思固無或已明
主報功之典寧有攸拘爰疏寵於九原俾祗儀
於三事尚其不泯服此哀榮

辛棄疾叙朝請大夫

推賢達能士之素志失舉連坐國之舊章法雖
必行情或可亮具官某夙懷氣槩自許功名被
器使於累朝歷蕃宣於數路更事既久閱人
亦多胡決擇之未精以薦揚而自累爰因需宥
浸叙前官觀過知仁朕豈追尤於既往惟善舉

類卿其益謹於將來

王鉞知金州

朕簡求將帥之臣兼領侯藩之寄專其事任責以立功爾整我六師控于荆蜀令行卒伍氣懾夷蠻就畀虎符以臨千里惟恩威之兩得則軍民之相安勉圖爾庸嗣有殊渥

許及之復銀青光祿大夫

朕若稽列聖體貌大臣同寅協恭夙重弼諧之任記功忘過式昭眷注之懷錫以明綸孚于

公聽具官某賦資英發抗志高明受知孝宗
擢寄言責被遇文考簡在論思肆朕纘承兩
登柄用甫書勞於鼎鼎胡引咎於田廬茲舉彛
章悉還崇秩人惟求舊朕方遐想於令猷國耳
忘家爾尚勉思於報忠

王大節叙武節郎

昔在漢武駕馭將臣盖有黜為編民旋復收用
者朕方思得熊羆之士以圖駿功亦豈以一責
終棄人哉爾率我六師臨事逗撓身在謫籍曾

未期年朕念爾之材載加甄叙廢置之際孰非至公服此寬恩力圖報効

希祗換右千牛衛將軍

朕惟成周之治始於親親三復常棣之詩未嘗不想見其美也爾宗王諸孫知自脩飭列之環衛以奉內朝體予立愛之恩思爾為善之樂

陳邕降朝奉郎

朕愛惜人材待之以恕苟麗于於罰者未嘗不審其輕重也爾有志事功遠將使指逆臣始禍勢

猶可為而輕去司存豈得無罪不逮而復盖庶
幾焉貶爾兩階弗奪其任朕所以愛爾之意也
勉充素志以稱隆寬

黃瓌周章降官

審謀於倉卒之際蹈義於危難之中朕所以望
士大夫也爾將指西州服勤已久逆臣始禍勢
猶可為而昧於事幾輕去官守揆之以義可無
罪乎尚體隆寬毋忘補過

章改將指
作分符

程松澧州安置

大臣之任征伐耻孰過於棄師司寇之正典刑
罪莫先於誤國有嚴成渙允協師言爾夙慕驅
馳居懷慷慨謂其可用俾參宥密之聯期以立
功式畀宣威之寄惟時共事久蓄異謀曾莫察
於幾微徒激成其饜隙比反形之已見顧憂責
之孰尸縱未能親督三軍力明大義豈不可率
先諸郡勉思令圖胡僕僕以求生尚區區而苟
利安受私遺奄取兵儲全汝一軀委予數路儻
知返省寧不內慙朕以其嘗在通聯姑從輕典

屬既伸於天討益洞見於人情彼孰無報國之心汝獨徇謀身之計不忠至此清議謂何謫以散官昭示無窮之戒處諸內地猶為至厚之恩

趙師異降太中大夫

迺積迺倉詠於周雅古人蓋以是觀國焉苟有弗虔其可佚罰具官某選於公姓服在大僚朕方謹粟入之藏嚴繕脩之令而爾適任天府屬役非人曾未踰時遽聞墊圯豈朕所以望於爾者乎尚體隆寬毋忘退省

董仲永贈節度使

名器之崇國家所重眷言近侍久事先朝追
錫徽章蓋循舊典具官某恪恭匪懈謙下自將
親逢高廟之中興夙預內廷之器使備宣忠
力浸服顯榮雖不見其人已歲時之浸遠而有
勞于國豈贈卹之可忘爰疏將鉞之榮以賁泉
扃之邃尚時精爽克對寵靈

顯忠褒忠廟封公

趙立魏勝

爾昔提孤旅堅守山陽力挫敵鋒不顧其死廟

食茲土且八十年猶能顯其神靈助我將士以
成却敵之勲死而不亡朕所嘉歎乃即易名之
舊載加封爵之新尚惠其民以相吾國

勝改堅
守山陽

作保扞清河廟食茲土作廟食
于楚且八十年作踰四十年

廣德廣惠廟加封

朕越對百神以綏四海凡郡國之祀功利彰著者
必崇其封爵厚其禮文某廟神廟食桐川歷歲
彌久祠宇像設幾徧江南而四方之人奔走禱
請無虛日也間因旱潦遣使致祈精誠所通其

應如響朕惟寵嘉之爰錫命書載新美號惟神
益昭其德以惠元元則朕之報神豈有已哉

襄陽惠澤等廟加封

古之出師是類是禡所以承神休也爾廟食于
襄而能顯其靈異成將士却敵之勲爰錫命書
申衍稱號尚其嘉享終惠一方

百歲補官封號

年之貴乎天下久矣朕對越天地推老老之恩
而爾壽過期頤鄉黨所敬

婦人作流芳閨壺

錫之一命

式昭爾榮

史才復龍圖閣學士

朕昭示公道行之以寬故雖先朝任使之臣猶在清議擯排之域歷時既久甄叙不忘具官某際會休辰驟登近弼胡然一青逮此累年朕惟高廟之體貌大臣務全始終兩朝之寵綏故老靡間存亡矧疊被於霽恩宜稍從於牽復職宗邃閣賁及幽扁尚其有知服此寬渥

丘室落端明殿學士

朕選命儒臣晉參樞筦任安危之責既盡付於
邊防審用捨之宜蓋旁咨於廷議具官某受材
挺拔臨事疏通功名遠慕於古人閎閎獨先於
諸老比由留鑰就建行臺登諸丞弼之聯畀以
江淮之寄正資籌化以暢威靈顧弛張呼吸之
幾係得失屈伸之勢然而意在堅守而懦將或
輕於退歸謀在約和而強敵反滋於侵掠雖聞
克捷寧補創殘載閱封章每深引咎屬人言之
洊至匪朕志之敢私惟仲淹貽元昊之書固嘗

貶任而龐籍失河西之堡亦以奪官是知祖
宗臨御之規實本春秋責備之義肆錫近職猶
領真祠以示至公以存眷意大勲未集朕方姑
務於息民來効可期卿尚勿忘於報國

薛叔似落端明殿學士

朕恢宏遠之規講修攘之政博求時望分總邊
防隆其事權期以績効用舍之際夫何敢輕具
官某受知先朝夙有令聞簡在禁從蔚為老
成宣威上流朕所注意俾貶儀於政路且申命

於經帷以涖元戎以督諸將折衝樽俎蓋有賴
焉而羽檄亟馳瘡痍浸見僚案或聞於不飭偏
裨副致於相圖畀祠館以歸休屬臺評之來上
肆回成渥以示至公朕方念鴻烈之難成歎全
材之鮮值究觀詩雅內愧周宣以卿素心追惟
方召亦豈不爽然自失乎尚體至懷勉思後効

陳謙落寶謨閣待制

朕茂恢宏略注念上流乃建行臺並登時望用
舍之際夫何敢輕具官某夙負材猷屢更器使

比由將漕擢董軍儲驅馳具見於賢勞規畫每
期於底績肆躋次對以貳元戎而受任累旬邊
烽未弭采諸羣議改畀真祠復以臺評收還前
渥至於財賦入出固有司存爰命計臣稽其實
狀苟弭心之無愧則公論之自明尚體至懷勉
思後効

楊文昌授團練使

朕惟立國之規世臣是重故於勳閥之裔苟有可
稱則獎而進之如恐弗及具官某夙更任使恭

靖自將易刺一州寘之邇列服勤滋久以疾祈
閑朕念爾祖之功藏在盟府而諸孫嚮用惟汝
一人序進我圉宣曰例賞凡所為寵綏爾者蓋
以顯爾祖之世也尚摠忠報勉振家聲

劉元鼎兼知光州

朕思得熊羆之士宣力於邊兼撫軍民修明紀
律使卒乘競勸里閭妥妥以振國威以禦外患
爾久蒞戎伍材勇著聞禦侮淮堦勞効浸見總
屯營於湓浦分符竹於浮光合是二權夫豈輕

昇尚體朕意勉圖爾庸

李源封通應真人

自昔隱居之士生不用於世而歿能垂祐于民者蓋時有之今有司言爾惠及一方其應如響爰錫嘉號以發幽光尚宏爾休施于無斁

吳總責團練副使

三代盛時罪不相及秦漢而下始有連坐之刑惟我祖宗積累深厚上用仁政下無異心雖或紊於民彝自不逃於天討比其行法猶務寬

平具官某生長勲家以能自見更踐中外茂著
勤勞適猶子之干誅集近臣而議罪朕仰稽邦
典俯酌人情念其二父之功宜蒙十世之宥止
錫內職俾徙他邦而成命既行臺評未置黜畀
散秩謫處零陵會吾討叛之臣明汝翰忠之素復
從優假聽即便安操捨重輕一以公論朕宜容
心於其間哉往服寬恩勉堅素履

常崇贈武翼大夫

武興之變西土震驚亦惟忠義之臣協心勗力

迄行天討以靖一方爾遭變之初慷慨憤激飲恨以歿聞者傷之推汝之心儻未即死豈不能身先士卒以殄凶渠乎追錫崇階以慰忠魄

沔州信惠廟加封

三綱五常之理貫于顯幽故凡僭叛之徒非特人所共怒而神亦得以誅絕之推本厥功其可忘報具某神廟食于沔惠及其民錫以王封閔歲滋久日者逆曦之變西土繹騷惟我忠臣激昂將士唱明大義以行天誅亦惟爾神去逆與

順陰相默佑底于有成爰錫命書載行嘉號惟
神益顯威德以綏四方則朕之報神寧有已哉
方信孺授奉議郎
朕因敵求好申遣行人期于偃兵以臻安靜汝
往宣使指不避其勞遷秩之恩豈嫌過厚勉訖
爾事以對寵光

李郁授團練使

朕思得壯士以守四方蓋選擇之久矣而績用
昭著不過數人比其還歸可無褒渥具官某為

國宿將獨當賊衝堅守一城屢騰捷奏氣懾邊境聲震淮濡朕用嘉之召對便殿論議慷慨精神尚疆擢正戎團留寘環列豈特酬功於既往固將責効於方來益壯爾猶以稱朕意

楊谷授文州刺史

朕資戚畹之良典賓閣之事乃惟宮城宿衛之重亦以屬之既懋賢勞懇辭共二肆茲從欲可後疏恩具官某性質通明儀度修整出入禁闥周密自將疊組之華式昭眷任載披巽黷勉徇

惟懷賞從其優擢昇遙刺蓋聞先漢之盛竇長
君少君不以富貴驕人號稱長者惟汝伯仲並
躋顯榮勉晞古人則朕以懌

范仲壬知夔州

朕念蜀道去朝廷遠多事之後謀師師為難肆求
忠實之臣以重蕃宣之寄爾名家之裔俯從右
科儒雅自將抱負獨偉歷官中外厥聞藹然比
登環衛之聯往司權牧之事遭變倉卒守義不
渝有臣若斯朕所嘉與惟古夔子之國地控荆

襄其為朕鎮撫兵民輯寧封部使德意孚于遠
朕姦宄弭于未然少訖外庸以須明陟

吳瑄節度使致仕

朕永懷 憲聖協濟中興勲在 宗祧親與

三朝之揖遜澤施族姓有開奕世之顯榮肆時
猶予之良方任价藩之寄矜其抱疾許以乞身
具官某賦質溫柔處心樂易習見父兄之貴不
以驕人浸親州縣之勞庶幾更事自升華於留
務俾宣化於旬幾歲資汝慈祥布予德意胡遽愆

於調適乃力丐於退休授鉞齋壇共侈一門之
盛垂車里第蔚為晚歲之光勉畚精神以綏福
履

多慶贈開府

昔在 裕陵篤友介弟親睦之典施于 累朝
蕃昌之休燕及五世惟時叔父俄棄修齡式示
哀榮丕昭眷遇具官某謙以自牧寬而有容屬
近行尊靡徇驕盈之習身端行治夙推信厚之
風方躋廉按之華以壯藩維之勢胡然微疾竟

歿元身錫以徽章儀視三公之貴分之茅土爵
登五等之先尚其有知服我休命

妻蔡氏封郡夫人

朕篤敘宗盟優崇近屬告終之際恩意有加寵
綏之章先其內助具官妻某氏作配君子敬戒
無違宜其室家允有常度肆頒茂渥疏以郡封
雖夫唱婦隨志弗諧於偕老而母慈子孝祉可
衍於將來益樞儀刑以綏壽考

程渙降迪功郎

爾職在捕盜而縱卒虐民其害甚於盜矣罷官
削秩往省厥愆

善輿授右千牛衛將軍

熙寧以來追崇濮邸擇其尊屬世襲王封而又
推恩子姓列之環衛予以壯藩維之勢隆親睦
之風爾謹恪自脩久更官使及茲改授品秩浸
高其堅樂善之誠稱予篤敘之意

薛九齡授武德郎

逆賊之變震于一方吾士大夫於去留之際難

乎其審處也爾分符偏郡意氣挺然撫集民夷
期於討賊是可以無褒乎序進二階以旌爾志
少須最課求副簡求

吳總復官致仕

朕緬懷吳氏久捍西州兄弟協忠大小幾百餘
戰子孫襲慶前後蓋八十年乃惟逆曦自干大
戮豈以一人之故忘其再世之勞具官某身事
四朝年踰七袞當 紹興之際已夙與於驅
馳及 乾道以來遂浸躋於華近籍其耆舊籍

在論思俄凶慝之駭聞引罪愆而歸死伊曦作
尊於爾何尤顧未弭於人言姑少伸於國法諒
銜深耻遽屬沉疴載披謝事之章可後念功之
義還其職秩不離法從之班復乃邑封仍在通
侯之籍徃祇寬典尚衍脩齡

不豐贈開府

若昔裕陵追崇濮邸世推尊屬以續王封存
則隆親睦之恩歿則厚哀榮之典永懷宗老式
舉邦彝具官某履行溫恭持心寬厚夙更器使

茂著勤勞身歷 四朝及見 中興之人物壽
開九袞允為同姓之典刑自膺繼襲之榮久藉
藩維之重云胡一疾曾弗瘳遺錫以徽章儀視
三公之貴分以茅土爵登五等之先尚其有知
服我休命

吳思忠贈節度使

名器之崇國家所重眷言近侍久茂賢勞追賜
徽章蓋循舊典具官某靖共自飭異順無違遠
事字格高宗夙効走趨之力被遇字格文考浸膺任使之

隆肆朕續臨察其忠謹俾晉司於內省仍峻極
于遙階及此告終可無䟽渥錫之將鉞賁彼泉
扃尚其有知來對休寵

趙淳江淮制置使

疇邊閭之庸已峻躋於留務參殿巖之任爰寵
畀於中權非得其人曷稱茲選具官某賦資偉
特蘊智沉雄自分領於六師亦旣踰於十稔獨
當一面上流賴以無虞堅守孤城狂敵為之遠
遁策勲居最注意為深朕思振國威務明師律

肆特加於隆委俾茂展於宏規內總千廬昭示
倚毗之意外護諸將式觀撫御之方藉而襄漢
之威名增我江淮之聲勢惟忠勇可以作士氣
惟精明可以酌事幾其益勵於壯猶庶迄收於
全勝

葉滄閣門舍人

自我孝宗垂意右科之士今四十餘年間而
人物由^此塗出者多矣爾射策于廷褒貶為舉首
往准我事勞効浸聞賓閣之聯夫豈輕畀養之

閒暇以充爾材尚其懋哉嗣有簡擢

辛棄疾敘朝議大夫

侍從之臣朕所望以汲引人物共濟事功然人之難知或至於失舉而其心可察也具官某材高一世名在累朝方乍去於論思固尚深於簡注乃以微累未復前階甄滌之常朕亦何吝爾其勉思報國益務進賢毋德創於一人而自沮其推轂之志斯朕之所以望爾者尚念之哉

吳琯贈太尉

疏謝事之恩方寵加於將鉞舉節終之典復峻
極於武階匪時戚畹之良昌稱邦彝之重具官
某早躋榮顯浸効忠勞服在班聯每謙恭而自
牧寄之民社亦寬靜而無苛顧旅力之未愆宜
何恙之不已遽披遺奏良軫至懷錫盾雕戈有
煥節旄之舊金印紫綬載頒綸綍之新尚其不
亡歆此殊渥

項安世落直龍圖閣

朕博延人物略短取長獎予保全若恐弗及至

於用捨之異則必有不得已者焉爾抗志不羣
更事已熟比擢司於餽餉且兼畀於蕃宣力捍
上流竟却狂敵有嘉勞効登之列卿均逸未幾
復寄邊閫而抗章引疾非朕所以望於爾者臺
評繼至厯指爾瑕朕固愛爾之材冀收其用則
起家而中廢予職而遽奪亦豈朕初志哉材之
難全自昔所歎勉如充養朕不汝忘

黎炳龍叔漢林之望熊武閣門舍人
朕惟孝宗儲材賓閣期待之意視於登瀛故

比多闕員久而未補所以重其選也爾炳爾之
望爾武閩蜀之秀發身右科爾叔漢門地之優
刻志儒業雖浸更於官使蓋未顯於猷為明試
以言一朝並命朕之待爾等者厚矣各充爾素
以稱所期

不應西外知宗

朕觀周詩至于麟趾竊有慕焉惟我祖宗本
支蕃衍思俾振振之美無愧於我周可無其人
以訓迪之乎具官某性質坦平行履謹恪列于

朝請率禮無違分正外宗儀刑可象肆茲易地
屬任惟均夫以號令律人抑未也亦不令而從自
脩其身始尚勉之哉

任靖金州副都統

擇將之方惟材是取而資格不與焉材可以為
將矣其秩之卑者或超進之所以隆事任示優
寵也爾夙負勇略志在驅馳昨我戎行威愛兩
得擢分邊間以扞一方載稽舊章進階二等爾
其奮身報國收折衝禦侮之勲酬爾之官亦豈

拘資級哉

李好義贈節度使

遣成役以衛中國方資禦侮之材聽鼓聲而思
將臣忍聞告終之間爰頒隆渥以表殊勲具宜
某天賦英豪家傳恭順義不汙於僭逆思協濟
於奇謀首唱三軍亟正鯨鯢之戮復全四郡悉
空地豕之群忠節凜然威聲籍甚朕載加獎拔
允賴驅馳乃參制閫之權仍委專城之寄豈云
微疾遽奪脩齡功在旂常固垂芳於百世氣吞

敵人諒遺憾於九原雖出節以追榮顧纂壇之
靡及尚時精爽監此哀榮

陸峻授太中大夫

朕寅紹丕圖賴 祖后保佑之德方隆至養期
千萬年而遽隔慈顏悲慕無極顧所以謹終送
往者朕弗能盡親也爰選重臣分典其任及茲
竣事可後褒嘉具官某迪德有常宅心無競冠
我法從為時老成命以相攸必誠必信兆域之
吉協于著龜乃規因山乃度甫窆迄于復土神

靈安安伊爾忠忱相予篤孝遷秩之寵豈特旌
勞蓋以示朕報親之誠無往而不稱也益殫
猷告式對眷知

陳邕降朝奉郎

節操廉隅有國之所甚重而學士大夫所當自
砥厲也武興之變州縣吏有棄義而從逆者爾
持使者之節撻發無避朕方有嘉焉而宣威之
臣遽䟽爾過伊爾素志夫豈其然而言之既聞
則不容無罰也抑古有訓責人斯無難為受責

俾如流是惟艱哉爾其念斯毋忘自警

王柟授朝奉郎

朕命大臣嚴守戰之備而亦不輕絕虜期以息民汝選于庶僚往宣使指進秩二等以重其行式貯成言還對褒擢

李郁建康都統知廬州

朕惟列聖垂意邊防率以將臣兼領重鎮若延州之任馬知節秦州之任曹瑋事權不分績用昭著成規具在可舉而行具官某素抱朴忠

每懷慷慨比以山陽之衆首當強敵之鋒信義
既孚士知効死威聲大振敵以遁逃肆疇爾康
擢昇閭寄總留都之王旅剖淝水之郡符撫臨
列城號令諸將倚任滋重報稱惟艱爾其益厲
壯圖謹脩先備全汝威愛協我軍民以弭窺伺
之謀以收還定之効庶幾休聞無愧昔人

田琳觀察使致仕

朕申嚴師律妙選將臣資許國之忠式隆委寄
約乞身之請可後褒崇具官某識究孫吳志晞

頗收比擢司於王旅仍兼領於帥藩恩信素孚
卒伍皆効其死威聲遠振敵人獨避其鋒方自
竭於驅馳冒遽縈於疾疾閭勞戎馬超昇廉車
安邊境立功名想壯心之未艾專精神近醫藥
尚遐祉之可期

陳邦傑敘武節大夫

朕驅馳武士保扞邊陲賞罰之行主于平恕寧
以功掩罪而不以罪廢功爾職在統戎臨陣避
敵削官自効已曰寬恩今斬獲之多暴露之苦

未足以贖爾罪也盡還故秩期以圖新母忘省
循庶幾報稱

葉範敘朝敬郎

中興以來邦賦之入于總司者居大半焉處其
任者可不謹其事乎爾夙以材稱將指淮右而
用度不節抵于譴何宥過之恩甄敘以漸勉圖
來効以稱隆寬

趙善宣敘朝請大夫

中興以來邦賦之入于總司者居大半焉處其

任者可不謹其事乎爾選于宗盟將命全蜀而弛慢詔令稽誤軍儲名在丹書甄敘有漸尚思循省以達寬恩

朱不棄降迪功郎

朕選任侍臣宣威襄漢凡在幙府宜効忠勞爾操行有虧豈容侯罰尚祇寬典毋怠省循

劉百朋授武德郎

爾服勤賓閣亦既有年肆疇爾能往淮戎伍增秩之寵厥有故常匪徒示恩勉思報稱

許俊父贈官

爾有子董戎力能挫敵第功宜賞自祈貶恩追
責九原尚其不泯

母王氏封太孺人

惟爾有子力挫敵鋒避賞不居歸榮于爾尚綏
眉壽以對寵章

董安禮知光州

朕簡求將帥之臣兼領侯藩之寄專其事任責
以立功爾分總王師往扞淮服淳光闕守就畀

虎符勉圖爾庸嗣有殊渥

郭揚夏允言授遙刺

朕選虎賁之士以衛周廬掌信之臣有嚴職守
三歲校比可無寵褒具官某生於 后家克自
謹飭訓齊什伍咸精其能懋賞之恩不以常比
略其階序擢刺一州循是而上之可以世爾家
矣朕我休命益脩厥官

韓仙曹毛居禮裴仲授官

朕選虎賁之士以衛周廬掌信之臣有嚴職守

三歲校比可無寵褒爾生長勲家克自謹飭訓
齊什伍咸精其能序進一階以昭懋賞服我休
命益脩厥官

育德堂外制卷第一